

**FRAMSELD REGLUGERÐ FRAMKVÆMDASTJÓRNARINNAR
(ESB) 2015/1844****2015/EES/74/95****frá 13. júlí 2015****um breytingu á reglugerð (ESB) nr. 389/2013 að því er varðar tæknilega framkvæmd á
Kýótóbókuninni eftir 2012 (*)**

FRAMKVÆMDASTJORN EVROPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 525/2013 frá 21. maí 2013 um fyrirkomulag við vöktun og skýrslugjöf að því er varðar losun gróðurhúsalofttegunda og skýrslugjöf að því er varðar aðrar upplýsingar á landsvísu og á vettvangi Sambandsins sem varða loftslagsbreytingar og um niðurfellingu á ákvörðun nr. 280/2004/EB ⁽¹⁾, einkum 5. og 6. mgr. 10. gr.,

og að teknu tilliti til eftirfarandi:

- 1) Ráðstefna samningsaðila að rammasamningi Sameinuðu þjóðanna um loftslagsbreytingar, sem er fundur aðila að Kýótóbókuninni, samþykkti Doha-breytinguna þar sem komið var á fót öðru skuldbindingartímabili Kýótóbókunarinnar sem hófst 1. janúar 2013 og lýkur 31. desember 2020 (Doha-breytingin). Sambandið samþykkti Doha-breytinguna með ákvörðun ráðsins (ESB) 2015/1339 ⁽²⁾ (fullgildingarákvörðunin).
- 2) Nauðsynleg, tæknileg framkvæmd Doha-breytingarinnar á Kýótóbókuninni ætti að fara fram í skrá Sambandsins og í landsbundnum Kýótóbókunarskrám. Einnig er nauðsynlegt að tryggja samkvæmni við tilskipun Evrópuþingsins og ráðsins 2003/87/EB ⁽³⁾ og ákvörðun Evrópuþingsins og ráðsins nr. 406/2009/EB ⁽⁴⁾ og samræmda framkvæmd á alþjóðlega samþykktum kröfum um bókhald, bæta gagnsæi og tryggja nákvæmni í bókhaldi Sambandsins og aðildarríkjanna varðandi einingar úthlutaðs magns (AAU), bindingareiningar (RMU), losunarskerðingar (ERU), einingar vottaðrar losunarskerðingar (CER), bráðabirgðaeiningar vottaðrar losunarskerðingar (tCER) og langtímaeiningar vottaðrar losunarskerðingar (ICER) en forðast um leið eftir fremsta megni stjórnýsluálag og kostnað, þ.m.t. í tengslum við hluta af ágóðanum og þróun og viðhald upplýsingatækni.
- 3) Um leið og Doha-breytingin öðlast gildi verður gerð sú krafa að Sambandið og aðildarríkin gefi út í Kýótóbókunarskrám sínum einingar úthlutaðs magns, sem svara til þess fjölda sem þeim er úthlutað og er ákvarðaður í samræmi við fullgildingarákvörðunina, að viðbættum þeim fjölda sem verður til vegna beitingar 3. gr. (7a) í Kýótóbókuninni.

(*) Þessi ESB-gerð birtist í Stjtið. ESB L 268, 15.10.2015, bls. 1. Hennar var getið í ákvörðun sameiginlegu EES-nefndarinnar nr. 284/2015 frá 30. október 2015 um breytingu á XX. viðauka (Umhverfismál) við EES-samninginn, biður birtingar.

⁽¹⁾ Stjtið. ESB L 165, 18.6.2013, bls. 13.

⁽²⁾ Ákvörðun ráðsins (ESB) 2015/1339 frá 13. júlí 2015 um gerð, fyrir hönd Evrópusambandsins, Doha-breytingarinnar á Kýótóbókuninni við rammasamning Sameinuðu þjóðanna um loftslagsbreytingar og sameiginlega uppfyllingu á skuldbindingum samkvæmt henni (Stjtið. ESB L 207, 4.8.2015, bls. 1).

⁽³⁾ Tilskipun Evrópuþingsins og ráðsins 2003/87/EB frá 13. október 2003 um að koma á fót kerfi fyrir viðskipti með heimildir til losunar gróðurhúsalofttegunda innan Bandalagsins og um breytingu á tilskipun ráðsins 96/61/EB (Stjtið. ESB L 275, 25.10.2003, bls. 32).

⁽⁴⁾ Ákvörðun Evrópuþingsins og ráðsins nr. 406/2009/EB frá 23. apríl 2009 um átak aðildarríkjanna til að draga úr losun gróðurhúsalofttegunda til að uppfylla skuldbindingar Bandalagsins um að draga úr losun gróðurhúsalofttegunda fram til ársins 2020 (Stjtið ESB L 140, 5.6.2009, bls. 136).

- 4) Í kjölfar hvers kyns breytinga til hækkunar á árlegri losunarúthlutun aðildarríkis skv. 10. gr. ákvörðunar nr. 406/2009/EB eða 27. gr. reglugerðar (ESB) nr. 525/2013 getur aðildarríkið þurft að afla sér viðbótareininga úthlutaðs magns við lok annars skuldbindingartímabilsins ef það hefur notað þessa árlegu viðbótarúthlutun losunarheimilda til að ná yfir losun sína samkvæmt ákvörðun nr. 406/2009/EB eða millifært hana til annars aðildarríkis. Hlutaðeigandi aðildarríki getur einnig notað umframvarasjóð sinn frá fyrra tímabili, sem um getur í 13. mgr. b í 3. gr. reglugerðar (ESB) nr. 525/2013, ef losun þess er meiri en úthlutað magn þess. Öll öflun eininga úthlutaðs magns sem af þessu leiðir yrði með fyrirvara um notkun á hluta af ágóðanum af fyrstu alþjóðlegu millifærslu eininga úthlutaðs magns sem um getur í 1. mgr. 10 gr. reglugerðar (ESB) nr. 525/2013. Eftir því sem við á má líta á slíkar aðstæður sem ósamræmi í bókhaldi við að stilla saman framkvæmd á löggjöf Sambandsins og reglum sem eru samþykktar samkvæmt Kýótóbókuninni, í skilningi 7. mgr. 10. gr. reglugerðar (ESB) nr. 525/2013.
- 5) Koma ætti á jöfnunarferli við lok annars skuldbindingartímabils Kýótóbókunarinnar til að búa í haginn fyrir uppgjör allra nettómillifærslna á árlegri úthlutun losunarheimilda í einingum úthlutaðs magns í samræmi við ákvörðun nr. 406/2009/EB.
- 6) Í samræmi við 11. gr. a í tilskipun 2003/87/EB geta staðbundnar stöðvar og umráðendur loftfara skipt út einingum vottaðrar losunarskerðingar og losunarskerðingareiningum fyrir losunarheimildir. Útskiptar einingar vottaðrar losunarskerðingar og losunarskerðingareiningar, sem gilda á fyrsta skuldbindingartímabili Kýótóbókunarinnar, samsvara mögulega losun í viðskiptakerfi ESB fyrir losunarheimildir á öðru skuldbindingartímabilinu. Þar eð með Doha-breytingunni er komið á takmörkunum á yfirfærslu eininga vottaðrar losunarskerðingar og losunarskerðingareininga frá fyrsta til annars skuldbindingartímabils Kýótóbókunarinnar ættu aðildarríkin að millifæra til Sambandsins samsvarandi fjölda af einingum úthlutaðs magns, sem gilda á fyrsta skuldbindingartímabilinu, til að ná yfir þessar mögulegu losanir og Sambandið ætti að millifæra til aðildarríkjanna samsvarandi einingar vottaðrar losunarskerðingar og losunarskerðingareiningar, sem eru gildar á fyrsta skuldbindingartímabili Kýótóbókunarinnar, sem hafa borist frá staðbundnum stöðvum og umráðendum loftfara í skiptum fyrir losunarheimildir.
- 7) Því ætti að breyta reglugerð framkvæmdastjórnarinnar (ESB) nr. 389/2013 ⁽⁵⁾ til samræmis við það.
- 8) Þessi reglugerð ætti að öðlast gildi sem fyrst þar eð nauðsynlegt er að framkvæma umbreytingarmillifærslur fyrir lok viðbótarfrestsins til að uppfylla skuldbindingar samkvæmt fyrsta skuldbindingartímabili Kýótóbókunarinnar sem um getur í 2. mgr. 11. gr. reglugerðar (ESB) nr. 525/2013.
- 9) Þessi reglugerð ætti að gilda frá og með gildistöku Doha-breytingarinnar á Kýótóbókuninni nema að því marki sem þar er kveðið er á um umbreytingarmillifærslur.

SAMÞYKKT REGLUGERÐ ÞESSA:

1. gr.

Reglugerð (ESB) nr. 389/2013 er breytt sem hér segir:

- 1) Eftirfarandi 73. gr. a bætist við:

„73. gr. a

Millifærsla eininga vottaðrar losunarskerðingar og losunarskerðingareininga sem er skipt út í viðskiptakerfi ESB fyrir losunarheimildir

1. Miðlægur stjórnandi skal upplýsa hvern landsstjórnanda um fjölda eininga vottaðrar losunarskerðingar og losunarskerðingareininga, sem gilda á fyrsta skuldbindingartímabilinu, sem er millifærður skv. 60. gr. af vörslureikningi rekstraraðila og vörslureikningi umráðanda loftfara sem viðkomandi aðildarríki stjórnar. Miðlægur stjórnandi skal bæta við þann fjölda hluta af fjölda eininga vottaðrar losunarskerðingar og losunarskerðingareininga, sem gilda á fyrsta skuldbindingartímabilinu, sem er millifærður skv. 60. gr. af vörslureikningi rekstraraðila og vörslureikningi umráðanda loftfara sem aðildarríki, sem ekki eru með Kýótóbókunarskrá á fyrsta skuldbindingartímabilinu, stjórna, í hlutfalli við fjöldatakmarkanir viðkomandi aðildarríkis að því er varðar yfirfærslu eininga vottaðrar losunarskerðingar og losunarskerðingareininga frá fyrsta yfir á annað skuldbindingartímabilið.

⁽⁵⁾ Reglugerð framkvæmdastjórnarinnar (ESB) nr. 389/2013 frá 2. maí 2013 um stofnun skrár Sambandsins samkvæmt tilskipun Evrópuþingsins og ráðsins 2003/87/EB og ákvörðunum Evrópuþingsins og ráðsins nr. 280/2004/EB og nr. 406/2009/EB og um niðurfellingu reglugerða framkvæmdastjórnarinnar (ESB) nr. 920/2010 og nr. 1193/2011 (Stjtið. ESB L 122, 3.5.2013, bls. 1).

2. Fyrir lok viðbótarfrestsins til að uppfylla skuldbindingar samkvæmt fyrsta skuldbindingartímabili Kýótóbókunarinnar, sem um getur í 2. mgr. 11. gr. reglugerðar (ESB) nr. 525/2013, skal miðlægur stjórnandi millifæra af reikningi ESB fyrir alþjóðlegar inneignir yfir í hverja landsbundna Kýótóbókunarskrá þann fjölda eininga vottaðrar losunarskerðingar og losunarskerðingareininga, sem gilda á fyrsta skuldbindingartímabilinu, sem svarar til heildarfjöldans sem er ákvarðaður skv. 1. mgr. þessarar greinar.
 3. Miðlægur stjórnandi skal tryggja að viðskiptadagbók Evrópusambandsins komi í veg fyrir öll viðskipti með einingar, sem eru millifærðar skv. 1. mgr., önnur en:
 - a) ógildingu eininga í samræmi við 1. mgr. 10. gr. reglugerðar (ESB) nr. 525/2013,
 - b) innlausn eininga í samræmi við 11. gr. reglugerðar (ESB) nr. 525/2013,
 - c) yfirfærslu eininga frá fyrsta til annars skuldbindingartímabils í samræmi við 1. mgr. 10. gr. reglugerðar (ESB) nr. 525/2013,
 - d) millifærslu eininga innan einnar Kýótóbókunarskrár.
 4. Þegar í stað eftir millifærsluna, sem er framkvæmd skv. 2. mgr., skal hver landsstjórnandi millifæra þann fjölda eininga úthlutaðs magns í viðeigandi vörslureikning aðila í skrá Sambandsins sem svarar til þess fjölda inneigna sem er skilað til aðildarríkisins skv. 2. mgr.“
- 2) Eftirfarandi 73. gr. b til 73. gr. g bætist við:

„73. grein b

Útgáfa og innlögn eininga úthlutaðs magns

1. Fyrir innlausnarviðskiptin, í samræmi við 3. mgr. 11. gr. reglugerðar Evrópuþingsins og ráðsins (ESB) nr. 525/2013(*), skal miðlægur stjórnandi:
 - a) gefa út þann fjölda eininga úthlutaðs magns sem svarar til úthlutaðs fjölda Sambandsins sem er ákvarðaður í samræmi við ákvörðun ráðsins (ESB) 2015/1339 (**), á reikningi ESB fyrir einingar úthlutaðs magns (e. *EU AAU account*) í skrá Sambandsins,
 - b) millifæra samstundis þann fjölda eininga úthlutaðs magns sem svarar til þess fjölda almennra losunarheimilda sem er stofnaður samkvæmt ákvörðun framkvæmdastjórnarinnar 2010/634/ESB (***) af reikningi ESB fyrir einingar úthlutaðs magns yfir á innlánsreikning fyrir einingar úthlutaðs magns í kerfinu fyrir viðskipti með losunarheimildir í skrá Sambandsins.
2. Eigi síðar en þremur mánuðum eftir lokun ÁSB-samræmisreikningsins fyrir árið 2020, skv. 31. gr., skal hver landsstjórnandi:
 - a) gefa út þann fjölda eininga úthlutaðs magns sem svarar til þess fjölda sem hverju aðildarríki er úthlutað og er ákvarðaður í samræmi við fullgildingarákvörðunina í vörslureikning aðila í Kýótóbókunarskrá sinni,
 - b) millifæra samstundis þann fjölda eininga úthlutaðs magns sem svarar til heildarfjölda árlegra losunarúthlutunar-eininga (AEA) sem samsvarar árlegri losunarúthlutun aðildarríkis hans fyrir öll árin skv. 2. mgr. 3. gr. ákvörðunar nr. 406/2009/EB, eins og ákvarðað var fyrir hvers kyns breytingar skv. 2. mgr. 27. gr. reglugerðar (ESB) nr. 525/2013, af vörslureikningi aðila yfir á innlánsreikning fyrir einingar úthlutaðs magns og ÁSB-reikning í Kýótóbókunarskrá sinni.
3. Áður en miðlægur stjórnandi lýkur við jöfnunarferlin skv. 73. gr. f skal hann tryggja að viðskiptadagbók Evrópusambandsins komi í veg fyrir öll viðskipti með einingar úthlutaðs magns af innlánsreikningi fyrir einingar úthlutaðs magns í kerfinu fyrir viðskipti með losunarheimildir eða af innlánsreikningi fyrir einingar úthlutaðs magns og ÁSB-reikning, önnur en:
 - a) ógildingu eða millifærslu á þeim fjölda eininga úthlutaðs magns sem er minni en eða svarar til þess fjölda árlegra losunarúthlutunareininga sem er millifærður á ÁSB-reikning fyrir niðurfelldar losunarheimildir skv. 2. mgr. 88. gr.,
 - b) innlausn á þeim fjölda eininga úthlutaðs magns, í samræmi við 3. mgr. 11. gr. reglugerðar (ESB) nr. 525/2013, sem svarar til þess fjölda árlegra losunarúthlutunareininga sem er millifærður yfir á ÁSB-reikning fyrir niðurfelldar losunarheimildir skv. 4. mgr. 31. gr. þessarar reglugerðar, sem samsvarar því magni af losun gróðurhúsalofttegunda sem er fært inn í ÁSB-samræmisreikninginn skv. 77. gr. þessarar reglugerðar,

- c) ógildinguna eða millifærslu á þeim fjölda eininga úthlutaðs magns, sem er minni en eða svarar til þess fjölda árlegra losunarúthlutunareininga sem er millifærður á ÁSB-reikning fyrir niðurfelldar losunarheimildir skv. 4. mgr. 31. gr., sem er umfram það magn losunar gróðurhúsalofttegunda sem er fært inn í ÁSB-samræmisreikninginn skv. 77. gr.,
- d) millifærslur sem krafist er vegna jöfnunarferla skv. 73. gr. f,
- e) umbreytingu á einingum úthlutaðs magns yfir í losunarskerðingareiningar að því tilskildu að fjöldi árlegra losunarúthlutunareininga sem svarar til fjölda eininga úthlutaðs magns sem á að umbreyta að viðbættum þeim fjölda losunarskerðingareininga sem þörf er á til að uppfylla kröfur um hluta af ágóðanum, sem um getur í 1. mgr. 10. gr. reglugerðar (ESB) nr. 525/2013, hafi verið millifærður yfir á ÁSB-reikning fyrir niðurfelldar losunarheimildir skv. 4. mgr. 31. gr. þessarar reglugerðar.

73. gr. c

Millifærsla og notkun eininga

1. Miðlægur stjórnandi skal tryggja að viðskiptadagbók Evrópusambandsins komi í veg fyrir viðskipti með einingar vottaðrar losunarskerðingar, losunarskerðingareiningar, bráðabirgðaeiningar vottaðrar losunarskerðingar og langtímaeiningar vottaðrar losunarskerðingar, sem hafa verið notaðar í samræmi við 81. gr., önnur en:

- a) millifærslu eininga af ÁSB-samræmisreikningi í skrá Sambandsins yfir á viðeigandi Kýótóbókunarskrá aðildarríkis skv. 3. mgr. 31. gr.,
- b) innlausn eininga skv. 11. gr. reglugerðar (ESB) nr. 525/2013,
- c) yfirfærslu eininga frá fyrsta til annars skuldbindingartímabils í samræmi við 1. mgr. 10. gr. reglugerðar (ESB) nr. 525/2013.

2. Við lok yfirfærslu eininga frá fyrsta til annars skuldbindingartímabils, í samræmi við 1. mgr. 10. gr. reglugerðar (ESB) nr. 525/2013, skal miðlægur stjórnandi tryggja að viðskiptadagbók Evrópusambandsins komi í veg fyrir notkun eininga vottaðrar losunarskerðingar, losunarskerðingareininga, bráðabirgðaeininga vottaðrar losunarskerðingar eða langtímaeininga vottaðrar losunarskerðingar skv. 81. gr. þessarar reglugerðar nema þessar einingar séu gildar á öðru skuldbindingartímabili Kýótóbókunarinnar.

73. gr. d

Ógilding eininga

1. Eftir lok yfirfærslu eininga frá fyrsta til annars skuldbindingartímabils, í samræmi við 1. mgr. 10. gr. reglugerðar (ESB) nr. 525/2013, skal miðlægur stjórnandi ógilda allar einingar vottaðrar losunarskerðingar og losunarskerðingareiningar sem eftir eru í innskilareikningi vegna flugs.

2. Eftir lok yfirfærslu eininga frá fyrsta til annars skuldbindingartímabils, í samræmi við 1. mgr. 10. gr. reglugerðar (ESB) nr. 525/2013, skal miðlægur stjórnandi fara þess á leit við landsstjórnendur að þeir ógildi þær einingar vottaðrar losunarskerðingar og losunarskerðingareiningar sem eru gildar á fyrsta skuldbindingartímabili Kýótóbókunarinnar, sem eru geymdar í reikningum vegna viðskipta með losunarheimildir sem þeir stjórna í skrá Sambandsins, eða ógilda þær sjálfur.

73. gr. e

Innlausn eininga

Að því magni sem losun, sem fellur undir tilskipun 2003/87/EB, fer umfram úthlutaðan fjölda Sambandsins sem er ákvarðaður í samræmi við fullgildingarákvörðunina skal miðlægur stjórnandi innleysa einingar úthlutaðs magns úr reikningi ESB fyrir umframvarasjóð fyrra tímabils.

73. gr. f

Yfirfærsla í skrá Sambandsins

Miðlægur stjórnandi skal yfirfæra allar einingar úthlutaðs magns af aðaljöfnunarreikningi kerfis fyrir viðskipti með losunarheimildir og þær einingar úthlutaðs magns sem eru millifærðar skv. 4. mgr. 73. gr. a í þessari reglugerð yfir á reikningi ESB fyrir umframvarasjóð fyrra tímabils sem komið er á fót skv. 1. mgr. 10. gr. reglugerðar (ESB) nr. 525/2013.

73. gr. g

Jöfnunarferli

1. Innan sex mánaða frá lokun ÁSB-samræmisreiknings fyrir árið 2020, í samræmi við 31. gr., skal miðlægur stjórnandi reikna út jöfnunargildi fyrir hvert aðildarríki með því að draga nettómillifærslu árlegra losunarúthlutunareininga frá nettóöflun árlegra losunarúthlutunareininga milli aðildarríkjana á tímabilinu 2013–2020.
2. Ef jöfnunargildi aðildarríkis er neikvætt skv. 1. mgr. skal viðkomandi landsstjórnandi millifæra þann fjölda eininga úthlutaðs magns sem svarar til jöfnunargildisins af innlánsreikningi sínum fyrir einingar úthlutaðs magns og ÁSB-reikning yfir á ÁSB-aðaljöfnunarreikninginn (e. *ESD Central Clearing Account*).
3. Ef jöfnunargildi aðildarríkis er jákvætt skv. 1. mgr. og eftir að allri millifærslu skv. 2. mgr. er lokið skal miðlægur stjórnandi millifæra þann fjölda eininga úthlutaðs magns sem svarar til jöfnunargildisins yfir á vörslureikning aðila í viðkomandi aðildarríki.
4. Áður en viðkomandi landsstjórnandi framkvæmir millifærsluna, sem um getur í 2. mgr. þessarar greinar, skal hann fyrst millifæra þann fjölda eininga úthlutaðs magns sem þörf er á til að uppfylla þann hluta af ágóðanum sem er notaður í fyrstu alþjóðlegu millifærslunni á einingum úthlutaðs magns í samræmi við 1. mgr. 10. gr. reglugerðar (ESB) nr. 525/2013.

(*) Reglugerð Evrópuþingsins og ráðsins (ESB) nr. 525/2013 frá 21. maí 2013 um fyrirkomulag við vöktun og skýrslugjöf að því er varðar losun gróðurhúsalofttegunda og skýrslugjöf að því er varðar aðrar upplýsingar á landsvísu og á vettvangi Sambandsins sem varða loftslagsbreytingar og um niðurfellingu á ákvörðun nr. 280/2004/EB (Stjtið. ESB L 165, 18.6.2013, bls. 13).

(**) Ákvörðun ráðsins (ESB) 2015/1339 frá 13. júlí 2015 um gerð, fyrir hönd Evrópusambandsins, Doha-breytingarinnar á Kýótóbókuninni við rammisamning Sameinuðu þjóðanna um loftslagsbreytingar og sameiginlega uppfyllingu á skuldbindingum samkvæmt henni (Stjtið. ESB L 207, 4.8.2015, bls. 1).

(***) Ákvörðun framkvæmdastjórnarinnar frá 22. október 2010 um aðlögun fjölda losunarheimilda fyrir allt Sambandið sem gefa skal út samkvæmt kerfi Sambandsins fyrir 2013 og um niðurfellingu ákvörðunar 2010/384/ESB (Stjtið. ESB L 279, 23.10.2010, bls. 34.).“

- 3) Ákvæðum I. viðauka er breytt í samræmi við viðaukann við þessa reglugerð.

2. gr.

Reglugerð þessi öðlast gildi daginn eftir að hún birtist í *Stjórnartíðindum Evrópusambandsins*.

Þó skulu 2. og 3. mgr. 1. gr. gilda frá birtingardegi orðsendingar framkvæmdastjórnarinnar í *Stjórnartíðindum Evrópusambandsins* um gildistöku Doha-breytingarinnar á Kýótóbókuninni.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 13. júlí 2015.

Fyrir hönd framkvæmdastjórnarinnar,

Jean-Claude JUNCKER

forseti.

VÍÐAUKI

Í V. hluta í töflu I-I í I. viðauka við reglugerð (ESB) nr. 389/2013, Kyótóbókunarreikningar í samstæðukerfi evrópskra skráa, bætast eftirfarandi línur við:

Heiti reikningstegundar	Reiknings-hafi	Stjórnandi reiknings	Fjöldi reikninga af þessari tegund	Einingar sem ekki eru Kyótoeiningar			Kyótoeiningar					
				Losunarheimildir			Einingar úthlutaðs magns (AAU)	Einingar vottaðrar losunar-skerðingar (CER)	Losunar-skerðingareining (ERU)	Langtíma-vottaðrar losunar-skerðingar (ICER)/bráðabirgða-einingar vottaðrar losunar-skerðingar (ICER)	Bindingareining (RMU)/losunar-skerðingareining (ERU) úr bindingareiningu	
				Almennar losunarheimildir	Losunarheimildir vegna flugs	Árlegar losunar-úthlutunar-einingar (AEAs)						
„Reikningur ESB fyrir einingar úthlutaðs magns	ESB	Miðlægur stjórnandi	1	Nei	Nei	Nei	Já	Nei	Nei	Nei	Nei	Nei
Innlánsreikningur fyrir einingar úthlutaðs magns og ÁSB-reikning	Aðildarríki	Stjórnandi Kyótóbókunarskrár	1 á hverja skrá	Nei	Nei	Nei	Já	Nei	Nei	Nei	Nei	Nei
Innskilarreikningur vegna flugs	ESB	Miðlægur stjórnandi	1	Nei	Nei	Nei	Já	Já	Nei	Já	Nei	Nei
Reikningur fyrir umframvarasjóð fyrri tímabils (PPSR)	Aðili að Kyótóbókuninni	Stjórnandi Kyótóbókunarskrár (í skrá Sambandsins: miðlægri stjórnandinn)	1 á hverja skrá	Nei	Nei	Nei	Já	Nei	Nei	Nei	Nei	Nei
ÁSB-aðaljöfnunar-reikningur	ESB	Miðlægur stjórnandi	1	Nei	Nei	Nei	Já	Nei	Nei	Nei	Nei	Nei ⁴

V. Kyótóbókunarreikningar í samstæðukerfi evrópskra skráa